



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 13. Papa pecunias ab Anglis postulat.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

sum, in quo Præsules tribus abhinc an-
 nis capti fuerant, tempestas atrox excep-
 pit, quæ die Veneris 1 Julii eos in quan-
 dam Pisanorum insulam exscendere, no-
 stemque ibi traducere coëgit. Postquam
 sequente sabbato a peccatis suis absoluti,
 sacro de Beatissima Virgine interfuerant,
 præ metu Pisanorum remigibus summo
 conatu ad aliquam Genuensium insulam
 contendere iussis, illo die centum vigin-
 ti quatuor millia reluctante procella e-
 menfi Portum Veneris attigere, ubi per
 biduum commorabantur. Tandem die
 Martis 5 Julii Genuam gaudio perfusi ad-
 venerunt, & inter sonitus omnis æris
 campani, concentus musicos, & maxi-
 mas acclamations recepti fuere. Sic
 Papa quindecim dierum itinere Roma re-
 motus in patria cum cognatis & amicis
 suis versabatur.

§. XIII.

Papa pecunias ab Anglis postulat.

Imperator fuga Papæ comperta, furen-
 ter iratus excubiis, quas in portibus
 & civitatibus sibi subjectis collocaverat,
 Genuæ aditus præsertim ex parte Gal-
 liæ diligentissime custodiri iussit, ne Pa-
 pæ pecunia afferretur, veritus. Reapse
 is unum e Clericis suis cubiculariis Mar-
 tinum nomine in Angliam miserat cum

Matth. Par.
p. 565.

Hist. Ecclesiast. Tom. XX. Ff epi-

Sæcul. XIII. epistola 7. Jan. ad Abbates Diocefeos
 A. C. 1244.

Suppetice, quas Papa Gregorius beatæ memoria ex Anglia cæterisque Regnis Christianis obtinuit, non suffecerunt ad expungenda nomina, quæ sancta Sedes pro libertate Ecclesiastica & patrimonio suo tuendo contraxerat. Quamobrem volumus, ut nojuvetis tanta pecuniæ summa, quantam vobis Doctor Martinus nostro nomine dixerit, eamque intra tempus, quod vobis assignaverit, illi tradatis. Hic Nuncius plures alias litteras habebat secum, ut collatorum beneficiorum, aut fructuum ex iis provenientium diplomata, prout opportunum censeret, Papæ cognatis daret. Unde conclusum est, illa folia fuisse puras tabulas chirographo & sigillo Pontificio munitas, ut eas verbis, quæ sibi placerent, impletas, cum occasio tulisset, ostenderet. Deinde Papa Genuæ subsistens Episcopis totique Clero Angliæ 29 Julii scripsit, ut liberaliter Regi suo sumptus publici status suggererent, quem conservari Ecclesiæ interesset. Ita hic Clerus simul duabus ex partibus a Papa & Rege premebatur.

p. 563.

p. 565.

Tunc Imperatoris Legati Londinum advenerunt cum litteris, quæ coram Rege Cleroque congregato repugnante Nuncio Martino legebantur. Hac in epistola Fridericus de tractatu pacis cum Papa
 purga-

purgare se conabatur, Ecclesiæ, quod æquum esset, tribuere ac obedire se vel le affirmans. *Sed Papa*, addebat Cæsar, *pro arrogantia sua mitti vult in possessionem quarundam urbium, arciumque ac terrarum, de quibus nondum constat, utrum Imperii, an Ecclesiæ sint. Vult liberari quosdam captivos, quos pro deceptoribus habeo. Vult servari pacta, priusquam a censuris absolvar. Metuens proin, ne deceptus Papæ laqueis constringar, Regum Franciæ Angliæque, ac utriusque Procerum seu Baronum iudicio me submitto: Papa vero ne talem quidem submissionem accipere voluit.* De hac recusatione magno opere querebatur Cæsar, & in fine epistolæ Clerum Anglicum vehementer orabat, ut ne ipsius damno ullas Papæ suppetias mitteret. Adjungebat: *Si Rex vester mea sequi consilia velit, liberabo Angliam a tributo, quod ei Innocentius tertius imposuit, & ab omnibus reliquis Aulæ Romanæ vexationibus. Si fidem ille mihi non habeat, ulciscar eum graviter in cunctis sibi subditis, quos in terris meis invenero.* Multorum Anglorum animos Cæsari conciliavit hæc epistola juncta litteris Balduni Imperatoris Constantinopolitani, & Raymundi Tolosani Comitis, illum ad pacem propendere testantium.

Sæcul. XIII.
A.C. 1244.

p. 566.